

廣東府縣志輯

中國地方志集成

光緒惠州府志



中國地方志集成


廣東府縣志輯⑮

光緒惠州府志

上海書店 ● 巴蜀書社 ● 江蘇古籍出版社



光緒惠州府志



(清)

劉 張 鄧 陳
淮 聯 掄 新
年 桂 斌 銓
修 纂

本書四十五卷、首一卷。現據清光緒三年（一八七七）修，七年（一八八一）刻本影印。

序

惠州府志前朝屢經纂輯

國朝康熙丁卯太守呂公應奎復修之百餘年來治革變更不知凡幾今不纂錄後將無傳道光同治年間太守楊公希銓梅公啟照均捐

惠州府志

序

一

廉倡修弗果同治庚午劉樹君太守蒞年始集紳士鄧君掄斌廖君廷翰鄒君漸鴻陳君青槐鄧君掄芳陳君新銓分任編纂事未竟旋調任去鈺錫之坤彭南屏翰孫兩太守繼之余光緒丁丑秋來守是

邦下車之始考風問俗聞志告成

心竊喜語不云乎不習爲吏視已成事舊志殘缺不足遵倣得都人士條上隱顯不遺纖悉諸君子以耆儒碩學各出機杼補其罅漏訂其譌謬輯爲新書舉凡禮樂刑政

惠州府志

序

二

之鉅細兵農財賦之損益民風厚薄之所趨土物燥濕之所宜莫不開卷了然炳若星列至若表揚大節發潛德之幽光博採藝林廣一方之文獻凡舊志所缺畧者至是而燦然大備焉守土者誠得前人

程法而秉式之政之福者弗使窒
於行俗之媿者弗使狃於習將見
澆風盡革上理可臻治教所闢良
非淺渺此百餘年來之太守所欲
爲而不果爲者余甫至而觀其成
何若斯之幸也稿經樹君太守閱

惠州府志

序

三

定郵寄於余間有亥豕畧爲釐正
受事甫半載旋奉調篆高涼簡書
敦迫復歸其橐於南屏太守俾覆
勘授梓自愧樸拙少文又值移官
匆遽未及與諸君子詳加商榷少
有匡助倚裝書此志幸亦志愧耳

旨

光緒四年歲次戊寅孟春月

賜進士出身翰林院編修京畿道監
察御史惠州府知府仁和樓震撰

惠州府志

序

四

新脩惠州府志序

余幼讀蘇文忠公書每景仰其為人擬凡曾游歷之地與曾晉接之人輒心焉慕之低徊不能玄同治九年秋奉命守惠州人咸以嶺海艱阻為

惠州府志

序

一

余慮余獨欣之竊喜之蓋以惠為文公舊游兒公集中此如羅浮白水江郊豐湖秘勝如翟秀才鄧道士諸賢胥以訪其遺蹟溯其餘風真有清澗漱澗之氣之留于後百年後

者豈非余生之厚幸也耶顧或老曰惠之俗刁且悍且窮治景幾將日堂堂皇排解聽斷之弗暇奚暇為友古人親凡雅事乎余聞之惓然而思下車後知茲言不課則思有以治之

惠州府志

序

二

通作勸民詩十章俾傳誦示與更如數月後窮則猶是也而刁且悍者漸戢矣余乃竊然喜之謂清澗漱澗之氣果有留於數百年之後也特系此道無由耳爰徵志印讀之

則自康熙二十六年重修後迄
於今無嗣起者矣前哲之典型
後人所觀感也其間節祖父
章立為吾民之則效者尤聽其
日就湮沒焉其咎安在迺集
考人士設局而亟其事草創

惠州府志

序

三

未就余適移潮州此心耿耿不
忘也幸後余志承余志越二年
書成考人士寄書請序於余
余樂觀厥成從此清泚樹雅
之氣云顛墜之恩俾世之景
仰于文忠公者知前賢所游歷

之地其流風遠澤之孔長也是
則余欣然喜世在是已時
光緒五年歲在己卯秋七月布
政使銜前知惠州府事廣東候
補道大城劉湛年序并書

惠州府志

序



四

重脩惠州府志序

惠州古未有志自之自前明天順辛始迄
嘉靖中三次編集而猶未能完善識者淺
之我

朝康熙二十六年續加修輯至今二百年來
三有能繼其事者前守楊公觀參梅公
小巖均議脩而未果同治庚午大城劉公
樹君以講學其守是邦毅然引為己任

惠州府志序

甫開局以量移於郡古嗣彭公南屏樓
公次園繼之在閏八年而告成時余適由
高州調攝茲土取新志再讀之其中
紀載之詳生體何已謹敬新志視舊志
加焉洵可謂毫髮無遺憾矣抑余竊有
說予惠當粵東之衝處志稱昔人謂
屬漢之名郡越之沃野余獨以為不然
惠向統轄十一屬雍正九年增置陸豐十

一年叶潮之程鄉為嘉應州割興甯長樂

隸焉自是惠公轄十屬計其疆域衡六百
九十三里縱六百七十里與國之廣甲於通省
帶山襟海形勢雄壯踞為名郡似非無
說顧綜核財賦歲入不滿十萬心歎之
訪之衆論僉稱歸善博羅土地平廣沿
江一帶皆屬膏腴海豐陸豐潮海猶有
魚鹽之利此外龍川河源永安長甯連平

惠州府志序

和平十屬羣山環峙層巒疊嶂突兀嶄
巖居民因山為田硯齋特甚而且沙深水冷
不宜禾稻苦旱苦潦十年不得一金稔畜
人稱為沃野果何所見而云然哉宜乎漢
唐以來視為邊徼荒遠後戾遷謫之所
民之叛服猶且聽之誰後問于後者為之
謀生聚而計必金乎洪惟我

國家之鼎以來聲教所訖無遠弗屆惠郡

難解在海隅漸被

聖德

沐浴涵濡風會蒸、幾於媲美鄒魯
矣顧自粵逆倡亂惠之土匪如星火始繁乘
機揭竿而起鴟張鷹聚蹂躪殆遍隨旋
就撲滅而搜捕遺孽數年始能肅清今
纔十餘稔山林藪澤伏莽潛滋已習蠢動
之患

大吏不以余為不肖檄調來此典 軍門

惠州府志

序

三

方以照軒合力勦指夫根莠不盡去不
生今日之舉誠為萬不得已之君哀而余
之揣焉恐無以善其後者蓋不在殲除
之不能盡盡在不能使而藥之不更生如
且夫古今來之言吏治者大略不外養與教
而已不能養之又焉從而教之矧徒恃乎東
傳之且求因而腹削之可乎昔管子有言
曰倉廩實而知禮節衣食足而知榮辱

斯民之願廉恥而畏犯法者以有身家之

志故也今舉數千百將手無藉困窮
失業之人孰而語之曰尔為善尔毋為
惡是猶驅之北轍而望于南轅也安可
得哉余不敏德薄能淺自顧無所告
余目志局諸君子之請為紀于原委并
以已見論列而序之惟無後之官以土者
披覽是編得以曉然於山川地利之險
夷風俗人心之利病善為籌謀按綏安
集俾樂生惡死之民咸有言逆效順之
志庶使

聖天子

慈惠元之至意用能流播於無窮

也豈不懿歟至於是書纂輯刪訂之
業另荷應任太守與志局諸紳之力為
多余幸會適其適事親厥成而已爰
不揣庸陋而為之序

惠州府志

序

四

光緒五年歲次己卯夏四月

誥授中議大夫花翎鹽運使銜調署廣東惠州府事高州府知府江都張聯桂撰並書



惠州府志

序

五

惠州府志目錄

卷之首

序文 舊序

卷一

輿地 分野 沿革 疆域 輿圖

卷二

輿地 形勝 關隘 海防

卷三

輿地 山川

卷四

輿地 山川

惠州府志 卷之首 目錄

卷五

輿地 津梁

卷六

建置 城池

卷七

建置 解署

卷八

建置 驛遞

卷九

經政 學校

卷十

經政 書院

卷十一

經政 祀典

卷十二

經政 壇廟

卷十三

經政 兵制

卷十四

經政 賦役上

卷十五

經政 賦役下

惠州府志

卷之首 目錄

卷十六

經政 度支

卷十七

郡事上

卷十八

郡事下

卷十九

職官表上

卷二十

職官表下 附武職官表

卷二十一

選舉表上

卷二十二

選舉表下

卷二十三

藝文 記

卷二十四

藝文 記

卷二十五

藝文 詩

卷二十六

藝文 詩

惠州府志

卷之首 目錄

卷二十七

藝文 撰述

卷二十八

古蹟 城址 署宅 塚墓 寺觀

卷二十九

人物 名宦上

卷三十

人物 名宦下

卷三十一

人物 流寓

卷三十二

人物 政蹟

卷三十三

人物 政蹟

卷三十四

人物 儒林

卷三十五

人物 文苑

卷三十六

人物 忠義

卷三十七

人物 孝悌

惠州府志 卷之首 目錄

卷三十八

人物 善行

卷三十九

人物 隱逸附方技

卷四十

人物 耆壽表

卷四十一

人物 列女上

卷四十二

人物 列女中

卷四十三

人物 列女下

卷四十四

人物 仙釋

卷四十五

雜志 氣候 風俗 軼事 物產

府志 卷之首 目錄

五

修纂職名

總裁

布政使銜廣東補用道前惠州府知府劉淮年

監修

惠州府知府周毓桂

惠州府知府崇齡

惠州府知府鈺坤

惠州府知府彭翰孫

惠州府知府樓震

鹽運使銜惠州府知府張聯桂

分纂

惠州府志卷之首

丙中書舉人鄧掄斌歸善

丙中書舉人廖廷翰歸善

丙中書舉人鄒漸鴻博羅

江西候補同知附貢鄧掄芳歸善

光祿寺署正銜增生陳青槐歸善

恩校對貢生陳新銓歸善

校對

管理支發

貢生殷光昌博羅

惠州府志卷之首

天順元年舊序

同知蘇潤八桂

古者郡邑皆有志所以紀一郡一邑之事也惠陽志宋末兵燹不存寥寥數十年元大德間同知姜文龍始掇拾而續成之失於疎畧現其時惠之所屬歸善博羅河源海豐四邑而已龍川長樂興甯尚屬循州焉皇明混一有二帝三王所無之天下有二帝三王所無之人民衣冠文物卓冠前古洪武戊申州陞爲府所隸七邑地大人稠厯代沿革山川貢賦人才風俗在所考驗志其可忽耶永樂間命廷臣督修天下郡志教授古龔賓質取宋元諸作以補之始有條理可觀景泰紀元之六年朝廷慮有遺漏命官重修之教授零陵鄧璉旁搜博訪事有根據而文采爛然矣書成上之天府而人罕得遍觀嗚呼文獻無徵聖人所歎况圖志政事之先務爲政者可不加之意歟暇日復與郡公及二三文學講求考訂刪繁去複補缺存正類聚成編復得大叅吳公所著惠陽雜詠并附焉至異端虛誕無關名教者皆畧而不錄所以從簡約示久遠遂各捐俸募工繕梓以傳庶幾成一郡之美事於以見列聖相承重熙累洽化成俗美比隆唐虞三代之盛豈後世所能及哉雖然

是編之作校諸舊志亦云備矣其間事物無窮見聞有限以今視昔固有殘缺磨滅之弊後之視今甯無滄海遺珠之歎乎同志君子倘能警而校之時而修之俾勿壞非獨

爲是編之幸實斯文之幸惠人之大幸也因書以告來者

嘉靖戊子序

鄭維新歸善

惠大記何記惠之大也夫惠封壤數百里自有宇宙之山川自入職方之郡邑洎几因事而建爲民而置或析或併或易或仍或弛或徙或陵或堙雖時異代殊而畫堊紀域崇德遂生繫焉繫皆弗可莫之稽也清淑攸鍾篤生賢俊表民用世蓋有其人與夫守牧之遺愛將佐之死事其良暮可以師後政其峻節可以鎮澆風又若藝圃詞林閎言麗藻敷敷道義被飾方輿舊簡之載記未泯逸者之傳誦足徵懋矣盛矣弗獲而詳述也采其著者以爲法焉可也故記之類凡四曰迹曰獻曰治曰責而其體有二曰攷曰

惠州府誌

卷之首

二

又

廣東右汪 思新安
參議汪

惠大記六卷首迹考二次獻畧一治畧一責畧二豐湖鄭敬甫之所編也夫惠之山羅浮爲大水海爲大宮室以公署爲大祠廟以先聖爲大是所謂迹也獻之大稱宋羅學士近亦有何孝子張戶書其寓公有二蘇有留忠宣治之大趙陀以龍川令起爲王三世責云者文其陋也則莫若蘇長公矣鄭子記惠之大而不能盡棄其餘蓋亦有不可

者特曰大記云耳是故記迹考而方輿備矣記獻畧而土習勸矣記治畧而官箴嚴矣記責畧而典則具矣方輿備而帝德廣矣土習勸而風俗移矣官箴嚴而暴汚飭矣典則具而觀示懿矣然以予觀惠人不能皆民也猶獐滑焉民不能皆農也姦宄興焉其猶荒畧乎曰非也今之治亦既詳矣夫山海之利博矣民以是利生亦以是利跽爇爇爇載息載貢不亦生乎征利負固以劫以違不亦跽乎如其罷訟而敗不悔情耕而蕩不悟又未可數也是故病其畧也增更治羅武衛不得其道乃顧多事是故復病其詳也嗟夫其下之罪歟其上之罪歟鄭子邦人也風俗戶口田賦削不記頗於迹考微言之如有諱焉其志而晦然而顯者非邪讀者無論上下各致思焉民興於獻吏關於治嗚呼惠其幾責也已

惠州府誌

卷之首

三

嘉靖戊戌序

國子監黃 佐香山
祭酒黃

此雁峯史侯暨厥屬文學所纂惠志也若昔康太史德涵氏志武功得載筆體乃崔司成子鍾氏志彰德一遵焉二氏輩英闊洛才均班馬而取善崇讓若此是故地理以稽實建置以明制田賦以恤隱祠祀以正典官師均列而信教人物選舉上行而下秩雜志類物輔化崇正義而黜異端損浮冗而要簡確自時厥後臨江諸郡乘咸宗焉是編義例宛然二氏故轍爰遵天順吳大參志高所修惠志曠歷年所間雖祝君允明志與甯陳君用貞志長樂有行於

時而博羅海豐龍川則未有成編矧和平新建罔有登載
乃今克會成書俾足徵焉豈非典哉嗟夫扶輿之氣其鑄
範乎汪洋闊廓典屈告濫而不可窮者水也其象則智介
特發業堅磴磊砢而不可易者山也其象則仁水居之民
非弗仁也然而仁弗勝智辯若泉流文若風渙而其失也
詐山居之民非弗智也然而智弗勝仁卓然壁立孑然株
守而其失也固以是占俗觀人天下莫有遁情矣惠居五
嶺東南羅浮甲於天下重溟環之其民鍾氣於山大都慙
野悃悃故訐訟岸獄鮮而椎魯頑昧或不免焉歲部使者
至莫不喜其淳而加簡恤吾廣都會雖嶢嶢荒渺然清淑
之氣是之自出較其形勝雖海岱亦奚異乎在宋時則有

惠州府志卷之首

四

若張宋卿氏以文章掄魁南省若足以華國矣而厥施未
究豈蓄極而發猶有待於今乎因其俗之近仁而道之風
俗同而賢才出矣庸詎知不終齊魯乎是猶金之在鎔亦
鑄者之爲焉耳程伯子曰治天下以正風俗得賢才爲本
愚則曰雖一郡一邑亦有然者矣庸書以告吏茲土者

嘉靖壬寅序

知府李玘南豐

夫郡志非古也史官亡而後志作是古之遺史也惠故交
廣之墟今並爲嶺東連潮分廣接韶與虔東北則重山削
成西南則環以裨海是爲形勝炎區莫先焉者其陰陽剛
柔異宜文質異尚儒吏耕治異業物穆強曠異齊古今異
情治忽異道故言治者恒體之君子居是邦也謹歲候授

人時祿祥可占矣辟地而正壤奄有九連荒大望扼平碣
之海道封畧可正矣建麾作牧自吾得宗也數人焉若李
文公若陳堯佐教修政立則風晞龔魯矣含經味道自吾
得師也數人焉若濂溪若豫章延平北面關里道非委地
矣赴節効忠折而弗撓若文山以下諸賢若節婦姚氏賴
氏罔踰合幸生焉斯節義冠冕矣德音風軌蔚爲時棟若
東坡若成之煥之抑亦人文山斗矣居處冥息必有宮室
臺榭重改作養財力斯芋矣盛德豐功必百世祀尊聖賢
舉壇廟是爲不忒信巫而好鬼斯詔矣學校賢士所關先
德而後藝賤勇力而黜異端張羅之迹疊矣表俗移風必
有其本平好惡防淫靡去賭博息鬪訟將以善人心而反

惠州府志卷之首

五

經也則鄒魯南矣等賦正事王政所重也齊貧富一膏瘠
均衆寡俾上無暴征下無逋稅斯有衆矣天生五材誰能
去兵清屯政郵疲卒簡閭以時無耗尺籍焉則強矣關所
以禦暴也梁所以利涉也征焉害矣墟墓所以興哀也而
蕪穢則遺賢矣穠蛋夷名而華心所以齒人類也苟外之
則王道缺矣夫志誠廣矣大矣仰觀乾象俯察坤勢中參
人情物理以言乎惠則備矣是故君子不窺牖而知天道
不出戶而指山谷不降席而匡天下凡以志傳之焉耳故
志不可以已也惠在天順有志傳久或湮嘉靖戊子有大
記義畧或缺前守史君立模命文學修之以調去而寢玘
也選諸邑庠而逸者得劉生梧善史法聘之載筆編輯教

授陳子文獻教諭易子貞元申校讐之命而與朝夕罔道
諛罔毀疵非非而是是疑疑而信信百年曠典修焉大成
玆敬命工梓之用章鑑戒云爾後之賢者覽焉修焉厥史
於是乎在

嘉靖丙辰序

推官楊載鳴泰和

載鳴既臯譴稍遷爲惠推官周覽山川爰考圖記得故志
讀之紀述繁猥紛亂失次迺歎曰夫志大矣微文獻審誦
俗詒來禋之典法稽前政之失得咸於是乎在今靡所刊
定後將何觀焉於是縉紳大夫文學諸生之徒彌彌言纂
輯事矣余不能謝迺本載記質觀聞芟蕪補闕蒐隱訂譌
成惠州志爲紀一曰郡事天人之際古今之變鑒戒昭矣

惠州府志卷之首

六

故首之爲表三曰沿革曰秩官曰選舉表郡之大者也爲
志六曰地理曰建置曰賦役曰學校曰祀典曰兵防政教
備矣事增文肆則兵賦蓋深致意焉爲傳四曰名宦曰流
寓曰人物曰列女述往勸來余不敢私也存故備言以觀
會通爲外志雜志詞翰志終焉總之十有七篇迺若因事
綴文扶俗翼教道敘次之指發明已志忘其淺陋僭爲撰
序具在諸篇中矣茲不著

又

知府姚良弼錢塘

余嘉靖甲寅冬來守惠陽覽山川之勝審風俗之宜咨詢
民瘼究圖治理作而歎曰惠州古稱嶺東名郡也顧今若
此哉暇復搜厥郡志見其始於天順丁丑一修於嘉靖戊

惠州府志卷之首

七

子一修於壬寅自壬寅抵今尙多殘缺又歎曰郡志一郡
之史也殘缺自茲後將奚述哉余意欲撫舊志而續編之
以備一方文獻迺見於郡內流移之未復也里甲之未均
也徭役之未清也倉弊之未除也民兵之未練也驛傳之
未輪也民風吏治姦狡滋甚此郡事之大者須先釐正而
後志可舉也於是蚤夜孜孜務爲經畫爲之撫逋民寬征
稅以復其流移爲之準丁糧列班次以均其里甲懲徭役
故習之濫也爲之節費慮倉糧召商之弊也爲之給銀民
兵積弱時較閱以稽之驛傳虛耗嚴徵辦以補之至若崇
師儒端士習撫民馭吏秉公飭法惴惴然惟過舉是懼雖
未能必其政平澤溥然於職所當爲者知自盡焉已越期
年思竟前志而以觀行弗果乙卯冬泰和武東楊君以銓
部郎移佐郡憲通判吳君語以予意而決成之遂將修志
請於當道報曰可楊君迺覽衆說蒐遺事刪繁取要類族
辨分其爲卷凡十有六是故輿圖列而形勝具矣郡事紀
而世變昭矣沿革表而規制備矣秩官表而庶職該矣選
舉表而人文著矣志地理而方位可辨也志建置而表儀
可樹也志賦役而民故可察也志學校而士習可勸也志
祀典而禮度日嚴也志兵防而武備以修也著循良之績
故名宦有傳重賢哲之萃故流寓有傳鄉賢足範於後人
於是傳人物焉女德有裨於風教於是傳列女焉又爲外
志以大一統雜志以資識問而詞翰則古今述作凡涉惠